

中華書局

中國社會主義思想史綱要

三省山内風土雜識

嚴如煜 撰

中華書局

叢書集成初編

驂 鸞 錄（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘二〇九二毫米三十二分之一

統一書號：一七〇一八·一五一

此據問影樓輿地叢
書本排印初編各叢
書僅有此本

三省山內風土雜識

清 激浦嚴如煜撰

陝西之漢中、興安、商州、四川之保寧、綏定、夔州、湖北之鄖陽、宜昌、地均犬牙相錯，其長林深谷，往往跨越兩三省，難以界劃，故一隅有事，邊徼悉警。守土之吏，疆域攸分，即能固圉保民，詎能越境而謀，故講又安之策，必合三省通籌之也。

天文井宿次未午二宮，分度最廣。商州在井一度，漢中、興安、在井三度，保寧在井十三度，夔州、綏定、二府均在翼十七度，而奉節、巫山、大寧、雲陽、梁山、萬縣，又在翼十六度。鄖陽府之鄖縣在星六度，房縣、保康、在張一度，竹山、張二、上津、張三、郧西、竹溪，在張四。聖人仰觀俯察，休咎之徵，鑒諸儀象，任邊防之重者，不可不隨時占候也。

南山在陝西西安府之南，山高而長，阮亭所云終南雲物一千里是也。西爲太白山，北爲華嶽，祖山由秦隴而來，踰北棧，經寧陝孝義，東出商洛融結，河南諸山，鎮安、洵陽、漢陰、石泉、洋縣，各山皆其支分別派，穹巖深谷，老林深箐，多人跡所不至，時虞伏莽，故往史所稱，動曰南山盜賊。

南山專屬陝西，在渭河東南，漢江之北，其由漢江南渡，徑至岷江北岸，陝則興安、平利、白河、定遠、西鄉、寧羌、川則保寧、綏定、太平、夔州、湖則鄖陽之房縣、竹山、竹谿、宜昌之歸州、巴東、興山，均在江漢之間，其山之最鉅有名者，曰大巴山，大約自秦階折而東，爲略陽之仇池，經寧羌、南鄭、城固，至定遠、巴州，凡川東北、陝

興安、湖陽、宜昌各山，皆其支分別派，而下結爲均州之武當。巴山老林，跨川陝兩省，周遭千餘里，老樹陰森，爲太古時物。春夏常有積雪，山幽谷暗，入其中者，蒙蔽不見天日。官府繕防難周，宜其爲遁逃藏也。西安之咸陽、藍田、藍屋、鄠縣、鳳翔之寶雞、郿縣，均在山外，而縣轄地方，往往錯入山內，盤屋成陽，往時所轄，入山至二三百里，故有鞭長莫及之患。川陝各山，峻削挺拔，非如東南坡坨蜿蜒，易於攀躋。由華州經藍田至寶雞，共七十二峪口，山賊窺伺內地，必由峪口而出，故當辦理賊匪之時，防其竄突，於各峪口亦偏設卡倫，以重省城門戶。

寧陝廳爲西安府所轄，舊本長安縣地，距省城三百六十里，在南山中，四面高山峻嶺，道路極其崎嶇，舉撫軍參設廳治，近又添設總兵大營，兵威雄盛，足爲省城藩籬。

孝義廳亦西安府所轄，本咸寧縣地，舉撫軍分設廳治，治舊在大山礫下，城垣逼仄，高山俯臨，如坐甕底，近移建在舊縣關，地勢略爲寬敞，而溪流衝激，城基難以完固。

由寶雞縣渡渭河，進山，經草涼驛、黃牛堡，過鳳縣，古陳倉，甯垣廳，至褒城縣，山程五百里，爲北棧道。山峻水急，其中多巉巖壁立，難以鑿路，募匠鑿石成孔，橫貫巨木，上覆木板，外作欄杆繞之，如橋梁狀，故名曰棧道。其中最險曰煎茶坡、大散關、鳳嶺、柴關、馬道、二十四嶠、鷄頭關，均爲一夫當關，萬夫莫開。聞父老言，數十年前，古木叢篁，遮蔽天日，近爲川楚棚民開墾，路雖崎嶇，而樹木已稀，惟柴關一處，尚有古木數千章。

路寬也。故招解人犯。仍由漢中大路。

定遠廳在漢中府南。漢中之西鄉縣。地方遼闊。周圍二千餘里。嘉慶八年。奏將山內地方。分設撫民同知。廳治在固鄉營。距西鄉縣二百九十里。至四川太平廳二百四十里。沿邊東接毛垸關。南繞鹽場。平落。西歷黎垸。白楊關。北至菩提河。共計八百八十里。與四川之太平。巴州。通江。南江。接界。內有星子山老林。約二百餘里。其大巴山。則在定遠者四百餘里。西鄉之險峻。盡分廳治。而西鄉成腹地矣。

定遠山大林深。然過一高山。即有一田坪。星子山之東爲楮河廳。西爲九軍三垸。南爲漁肚垸。平落鹽場。西南爲仁村。黎垸。均有水田。宜稻。九軍垸產稻最美。其粒重於他處。漁肚垸。楮河。平落鹽場。周圍各數十里。俗稱萬石平落。五千鹽場。但各鄉雖產穀。而距廳治遠。阻隔大山。轉運爲難。廳治之固鄉營。水田僅數百畝。故仍有艱食之虞。

又西鄉遊擊營。設於定遠未分之先。定遠設廳治而軍制仍舊。僅一都司營。額兵五百。分佈於川邊八九百里之間。又先設姚家垸。蘭池垸。兩巡檢。距廳治皆二百餘里。人烟稀少。嘉慶九年。方撫軍奏移姚家垸巡檢。安設漁肚垸。蘭池垸巡檢。安設黎垸。均在廳城西南一百里內外。定遠捐修廳城。兩巡檢分防之地。亦爲代修石堡。三城鼎峙。頗資犄角矣。十三年西鄉遊擊移安定遠

漢中府之鳳縣。東南爲南山老林。由城西進山溝。約百餘里至甘肅之兩當。再西爲徽成二縣。毗連秦州。山賊之竄甘省。多取道於此。故於縣治增設漢鳳營。

留垣廳在棧道中。西有紫柏山，高數十里，青巒聳拔，上插雲霄。相傳爲張子房辟穀處。廳治湫隘，南面高山，中間溪流湍激，向無城垣，故賊頻滋擾。

廳東北九十里江口，爲南山扼要之區。廳西黑河一帶，上接鳳縣，下通褒沔。西與甘省毗連，密林深谷，綿亘數百里，極爲幽險，最宜防範。黑河今爲鳳沔略轄，設有鐵爐川守備營。

褒城之馬道，相傳爲蕭相國走馬追淮陰侯處，就驛結堡，人烟較縣治爲多。留垣廳境，絕少水田，川楚棚民，轉徙開墾，土著十無一二。五方雜處，易生事端，善後案內，添設營兵，近已籌修城垣，崇備餼餼，庶折侮亂之萌。

鷄頭關在褒城北一十里，危峯竦峙，下臨絕磎，洵天險也。東南數十里，一望平蕪，頗稱膏沃。黃官嶺與川之廟壩、鐵爐壩相近，稽防宜嚴。

定軍山在沔縣，山不甚高，古木幽篁，蔚然深秀。縣東北與褒城、南鄭相連者，平原曠廛，水田亦美。惟剛廠一處，與黃官嶺聲息相連，而西境由褒城上接黑河，連峯疊嶂，易以藏奸。

略陽據秦隴之中，昔光武征隗囂，得略陽而囂懼。嘉陵江襟帶城西，另有小河一道，繞城東而下，渡嘉陵江西進，至白馬關，爲甘肅要衝。邑有仇池，四面陡險，上頗平敞，有泉有田，往時武都羌據以爲固者。邑境山壤燒塢，沿途絕少水田，仇池今在甘肅。

寧羌州常川省人陝首站，州境遼闊，綿延數百里。黃壩扼巴蜀之咽喉，陽平爲秦隴之門戶，荒耳山、茅壩

子板倉垣一帶與廣元昭化之荷葉嶺石龍塹城牆巖犁垣各處壤地相錯山幽谷深易以藏奸有水田稻出無多僅供本地需用

南鄭城固平蕪相接錦陌綺阡爲漢中膏沃北山漢山亦無阻險可憑城固之二郎垣接連留垣之江口此路頗稱幽峻

漢中古梁州洋縣古洋州唐時屢爲駐蹕之地東南西三面均有平壤水田足稱膏沃北路進牛羊嶺麻莊河麻兒溝一帶大山數百里與西安之長安整屋接界內多未闢老林近於華陽地方建土堡一座添設文武官弁而地大林深彈壓非易

禹貢華陽黑水惟梁州黑水卽留垣黑河在梁州西北華陽在梁州東華山之陽爲南山故華陽正在南山旁北與五郎之江口厚畛子各營相連由華陽前進處處老林嶮巖幽暗爲南山深處矣

西鄉在漢江南沃野百里良田千頃漢中之華腴也自遠定設廳邊防盡歸定遠雖堰口峽口細辛壩諸要隘時防山寇躡入而禦賊當在門牆之外嚴定遠之防維則西鄉自可固圉也否則龍池垣馬家垣箭桿山各險與賊共之到處可以竄越定遠瘠甚割西鄉隸之則廳縣雖分事權歸一籌辦自易矣

陝省入川之路其由寧羌廣元棧道而前者正道也而奇兵往往由西鄉而進漢昭烈取漢中大軍發葭萌關張桓侯由西鄉一路後西鄉爲桓侯封邑定遠之扯旗溪拴馬嶺各處尙有桓侯遺跡明時川賊鄔本恕犯漢中流賊張獻忠入川並總兵左良玉等扼賊力戰亦多在漁肚垣路定遠之設廳控制洵安邊

遠猷也。

武侯伐魏，魏延請以五千人，間道由子午谷徑襲長安。考西鄉之子午谷，在漢江北，與西安府之子午峪相對。由山路徑進，至長安不過七八百里，但翻山越嶺，必須裹毡束馬而行者，非止一處。出險之後，距長安雖不遠，時關中久爲魏有，夏侯楙雖驚才，長安豪傑，豈無相共爲守者？仲達用兵神速，觀其七日而破新城，則武侯之拒而不納，未必非慮延之爲孟達續也。

石泉在漢江北岸，縣本無城，縣令李煥樞籌修治，東南與漢陰連界，頗有水田，餘則崇山峻嶺，一望巒阮，西往西鄉，有饒風關，高五六里，石磴盤折，其險可守。由饒風北進山，爲興安往五郎之路，中有雲霧山、山河界、貓兒嶺，諸險均極幽峻，四畝地營與五郎聲息相通，尤爲必守之要。四面老林一二，棚民之外，別無土著，稽防稍疎，輒起寇心。

漢陰本興安州轄，興安陞府，漢陰分爲廳治，地勢平坦，中有月河一道，利資灌溉，春時水田漠漠，風景絕似湖鄉。廳北各山亦與五郎相連，漢王城古跡在廳南漢江之上。

紫陽縣治在漢北小阜之上，縣轄地方多在漢江南岸，山地瘠薄，與石泉相類，產茶，性寒敗胃，亦其山高故也。定遠之星子山，東折入縣境，故亦有未闢老林，南之二州垭，西南之麻柳垭、茅垭關，與川省太平廳城口一帶毗連，山深林大，川匪出沒，往往伏草擐人。

紫陽扼要之地，又有鐵佛寺、班鳩關，東南近安康有大山，曰五朵雲，林深路峻，上廣數十里，賊匪伏匿，官

兵搜捕經時

興安改府之後，安康爲附郭首邑，縣境遼闊，西往漢中，一路恆口，地勢平坦，頗有水田，西北王莽山、牛山、岑嵯崕嶺，爲終南之分支，松樹壩上下兩山，與洵陽、鎮安、孝義、接界，林幽谷深，奸徒易以伏匿，傅家河一路，由山溝中行，地雖幽暗，路頗平夷，故避兩河關之險者，由鎮安取道於此，徑達興安、漢陰。

安康南與平利，西與紫陽交界，西南至南天門，與四川之太平廳交界，密地數百里，崇山峻嶺，溝洫分歧，有滔河、嵐河、大道河等名，其間以磚坪爲扼要之地，距郡城二百二十里，沿溪兩岸有零星水田，安康設縣之初，特爲分駐縣丞，近又加設營員，地當川陝輿區，匪徒出沒，控制爲難。

平利縣治，舊在興安郡城南九十里，城址逼仄，四面大山俯臨，縣治南九十里，曰白土關，據湖陝之衝，再南四十里，隴界嶺，卽爲湖北二竹地，地勢平衍，水田甚美，改建縣治於此，溪水一道，下爲洵陽之頃河，北注漢江，可通小舟，中有石灘數處，加以疏鑿，則民商均便矣。

平利所轄高山之中，間有平原地，如曾家壩、獅子壩、風口壩等處，各有水田數百頃，與白土關均稱產穀之鄉。

平利北連安康，東界洵陽，東南接湖北之二竹，西南與四川之太平、大寧交界，鎮平一隅，尤深入川楚之中，距縣治三百六十里，鳥道一線，盤折危巖峭壁之間，鷄心嶺扼夔府、大寧之路，偏巖子通一碗泉、沮平、溪河、八仙河，與太平廳之城口、黃墩相接，處處老林，內有化龍山，尤爲幽峻，匪徒出沒無常，舊設巡檢，專

司稽防。近添安大營。擬設縣丞。略資控制。沿途之八卦廟、孟石嶺、散子坪等處。亦爲要隘。

洵陽在漢江北。漢高祖遣酈商至郇關。卽其地也。縣治孤峯突兀。夾以漢江、洵河。俗稱金線釣葫蘆。其險可守。邑北有陽山十二嶺。亦南山分支。尙有未闢老林。兩河關爲由商洛入金洋必爭之險。

洵陽西北與安康、孝義、鎮安、東與山陽、及湖北之鄖、西南與白河、西與平利、西南與湖北之房縣、竹山、竹谿、均皆接界。犬牙相錯者共九邑。與平利均爲陝邊重地。地頗遼闊。俗有八百里洵陽之稱。山大谷深。稽察難周。往時楚匪潛入東路之西岔河、竹筒河、西路之垸河、北路之乾溪河。山民多被煽惑。賊至附從爲亂。故其被蹂躪者爲最烈也。

由安康之二郎灘至白河交界之藍灘。水程二百七十里。漢江南北二岸。均洵陽所轄。他邑專防一岸。洵陽於賊從南來。則守北岸。賊從北至。又守南岸。士民荷戈守卡。祁寒暑雨。數載無懈。亦知切同仇之義矣。竹山、洵陽分界之處。曰七里關。設守備駐防。隸陝安鎮中營。連山疊嶂。道路極其崎嶇。又有梓木樹壩。扼竹谿之衝。女媧山當平利通川之道。均防範之不可疎者。

白河縣在漢江南。洵陽舊轄。五里分一里爲白河。東北與湖北鄖西、鄖縣。西南與湖北房縣、竹谿、交界。幅員不過二三百里。而山谷阻深。由縣西麻湖溝而進紅石河、白石河、界嶺、關廟河、各處。楚匪潛竄。易至煽惑滋事。守土者時宜留心。

商州在西安東南。距省城平路三程。由藍田縣進略。亦經過秦嶺。秦嶺極其崔嵬。在五郎、孝義者。上下均

七八十里。度嶺總須兩日。蓋卽南山之正幹也。嶺在商州者不甚高。其上亦有韓文公廟。商州城外。地勢平敞。宜麥粟各種。間亦有稻田。東爲豫省丁字關。扼秦豫之衝。東南至龍駒寨。小河一道。可通舟楫。直達襄陽之老河口。西商之貿易東南者。多於此買舟雇驛。人烟稠密。亦小都會焉。

商州卽楚地。商於六百里。張儀用以紿懷王者。地在楚。則關中之險。楚與秦共之。在秦則楚之防秦者多。爲秦弱矣。秦旣取之。詎肯還之。其後漢高祖之入關。亦卽在此一路。故商州爲秦中必守之險。州轄四縣。鎮安居南山之中。四通八達。山陽商南與楚之鄖西。上津接連。雒南密邇豫州。各邑均山大林深。楚豫流民。入山開墾者。多取道於此。良莠不齊。稽防未可少疎。

由甘肅之階州翻山。西往四川龍安府。路最崎嶇。卽鄧艾襲蜀之平陰道。

四川之太平廳。舊本縣治。軍興後改隸廳。賊匪滋事之始。南江、通江各邑縣治。多被焚燬。太平藉土牆以守。得以完固。所管地極遼闊。周遭一千七八百里。近廳之數十里。官渡灣一帶。平原水田。爲產穀鄉。餘則多未開老林。廳所轄之城口。距廳三百七十里。四面高山峻嶺。中間一線溪流。溪旁水田不多。此地極其幽深。俗稱八百里城口。咽喉教匪。往往伏匿。

由城口之南。經由乾龍坪、明道井、鶴鳴寺、雪泡山、高坪。各處分路往雲陽、開縣。密地數百里。均爲未闢老林。路旁林邊行走。往往數十里無人烟。其間如鶴鳴寺、雪泡山。尤爲幽峻。古木參天。叢篁遍地。賊伏竄其間。踪跡難尋。

由城口之東。經由黃墩、旗桿山、汪家垸、桃花壩。過大圍城、小圍城。至紅池壩、老木園、寶塔。分路往夔府之大事。奉節、烏道、羊腸、崎嶇不易行矣。而其增助地險。總在沿途老林、枝柯叢雜、刺眼挂衣。即爲健者。糾纏不得展布。賊匪潛藏其中。我軍無由得見。賊從林內下視。則纖細俱知。於峭角轉灣之處。依險鶴起。貿貿前進。輒墜術中。

大圍城四面陡削如壁。上皆老林。周圍二百餘里。小圍城山勢相類而差小。賊匪伏匿其中。砍樹開地。結棚住居。其出入路徑。蟠折林中。均有暗記。糧食斷缺。出外分伏山徑。擄劫行商。掠近村居民。搬運歸巢。暇則演習鎗棍。邊徼深處。水土劣惡。大軍不能久駐。本地營汛。兵單不敢深入。伺其出劫。設法捕擒。俾知警畏而已。

由城口之北。至兩扇門。通陝西之興安。高山夾峙。中間危徑一線。爲川陝必守之險。

由城口東北。經黃墩、後坪。至一碗泉、中心石。南通夔府之大事。奉節。北過偏巖子。至陝西平利縣之平溪。東北過螞蝗壩。至陝西平利縣之鎮坪。東過徐家壩、焦子壩。通湖北竹山縣之巴豆園、豐溪。兩處山勢極其峻削。均象形得名。而當三省邊隅要路。一夫荷戈。武士千羣。無所用之。偶有騷動。爲必守之險。又徐家壩之鶴心嶺。亦爲要隘。

夔州府東界湖北。巴東。南界湖北。恩施。北界陝西。平利。西扼本省之新寧。形勢險阻。爲川東門戶。岷江貫其中。奉節、巫山、雲陽、萬縣、開縣、大寧。各縣均在江北。崇山峻嶺。密地千里。川中山多黃土。不逮陝南山之

沃而土性稍堅。山民遇有溪泉之處，便開墾成田，故到處均有稻穀。價值較陝省爲賤，但各縣地均遼闊，棚民雜處，稽防爲難。府城至成都一千七百里，巫山、大寧之屬，相距在二千里外，邊隅有警，聲息難通。綏定府舊爲直隸達州，嘉慶元年，教匪滋事，陞州爲府，附郭爲達縣，隸以東鄉、新寧、東界、夔府、西界、渠縣、南界、大竹、北界、太平、地居四達，在岷江之北，近府平原沃壤，水田連阡，稻穀頗饒，距府數十里外，則連峯疊嶂，東鄉多有未闢老林，山谷幽險，易以伏奸，棚民雜處，稽察不可少疎。府至成都一千二百餘里，東鄉在府東北一百里，新寧在府東南一百二十里。

東鄉北由羅紋垠、黃楊堡東北，由回軍垠、八臺山、雙河口、白沙，均可至太平廳。羅紋垠一路，路雖崎嶇，沿途尙有人烟，回軍垠一路，盤折山谷之中，經過老林數處，行人恆有戒心。

保寧府、古巴子國，距成都六百二十里，爲川北重鎮，東界太平，西界梓潼，南界西充，北界陝西寧羌，棧道千里，當雍梁之衝，所謂劍關重開，蜀北門也。水流湍激，山勢嵯峨，故一路號稱天險。府東北四百里爲通江縣，古宕渠地，與陝西定遠廳接界，北三百里爲南江縣，亦宕渠地，與陝西寧羌、褒城、南鄭均接界。兩縣均無城郭，縣治燬於賊，邑各有大石寨，倚山阻水，環繞十數里，天險可守，百姓屯聚其間，官弁卽僑居其間，就近撫馭。蜀山陡起陡落，山麓稍平，有溪泉澆溉，便成水田，二邑頗亦產穀。長林深箐，動輒數百里，囑教各匪，易於伏匿，防檢不可少疎。

通江之竹峪關，與陝西定遠廳之九元關，相距六十里，川陝客民，挾貨貿易者，往往取道於此，山高三十

里上多青桐樹林，蒙密幽深，往時亦有匪徒伏道，攫取貨物，上有關廟，爲川北陝安兩道會哨彈壓之處，滋事後，賊匪出沒其間，行旅稀少，近於竹峪關築堡一座，安設守備營，陝省如再加防維，則路途無阻矣。通江、南江各道，川客之赴漢江貿易者，由竹峪關取道固鄉營，道路紆回，故於定遠簡池壩迤西，經白楊關至菩提河，於大巴山內，砍伐老林，另闢一道，橫過老林，約七八十里，取道甚捷，而極其幽暗，常募土人護送。

川中有東鄉，有南鄉，今陝西定遠廳之漁肚壩，卽古南鄉舊治也，大約大巴山所出各水，在北者由西鄉注漢江，在南者由通南、巴州而注嘉陵江，歸於岷江，漁肚壩、黎壩之水，均南入通江，亦天之所以分川陝也。

大巴山由定遠折入南江，崔嵬削巒，旁支分爲十二嶺，一名小巫山，俗稱大巴之險，過於連雲棧，其西與廣元接壤，兩河口、哨風樓一路，通漢中之青石關、昭化，經城牆岩、七眼洞一路，至鐵爐壩，亦與南鄭之巫山、嶺路通。

巴州地極遼闊，周圍約千餘里，巴江可通舟楫，平梁山四圍石壁如城，宋末徙州治於此，平原之中，水田亦爲肥美，而山多田少，近太平、定遠一帶，崇山峻嶺，尙多未開老林。

南棧由金牛驛入，過五丁峽，古稱五丁力士開山，以迎金牛者，卽此，經由陝西之寧羌州，踰朝天嶺，進廣元縣界，則爲百丈關、望雲關、七盤關、鏢山關、劍門關，均極崎嶇，所謂蜀道之難難於上青天者。